

呈徽

實報叢書之十

劉

湘



# 序

華朔平

北平實報，爲華北首屈一指之報紙，出版纔七

達十萬，平津兩地，上自達官鉅商，下迄婦人孺子，蓋莫不

以之爲每日晤對之良友也。陳秋舫先生，以四川善後督辦劉

甫澄(湘)氏、翊贊中央、拱衛西陲，力障赤瀾，功在國家，

特博訪周詢，編輯「劉湘軼事」一書，陸續披登報端，以介紹

偉大軍事領袖於華北各界。近復商之實報社長老友管翼賢兄

印爲專冊，藉期普遍，囑序於余。余愧不文，曷敢續貂。祇

以川局嚴重，近已成爲全國人士注視之焦點，而劉湘氏最近

赴贛，晉謁蔣委員長，關於安川勦匪大計，想必有詳熟之籌

商。吾人以爲川局措置，關係國家安危，稍一失當，影響匪



淺。聊本匹夫有責之義，藉作芹曝葑菲之獻，以與關心川局之邦人君子，一商榷之。

史家有言：「天下未亂蜀先亂，天下已治蜀後治」。足徵川省爲中國最難治理之區域。誠以其地萬山環繞，僅有一險峻之三峽，以與中原通。一夫當關，萬夫莫開，而區內物產豐饒，又優足以自給，故無論攻守均處於有利之形勢。徵之近史，如清代會黨王三槐，揭竿嘯聚於川東北隅，清廷率數省大軍，攻之十數年而不克。民國以還，北洋軍閥用全力經營川省，迭遭失敗。川省在國家地位上既已如是重要，今後欲使川省人民安居樂業，勢須中央地方聯合一氣以圖之。

上年徐向前股匪，遠竄川北通南巴一帶，即清季王匪三

襁盤踞舊巢。初，匪之企圖，原欲憑依川北山險，得機偷渡嘉陵江，以截斷成渝聯絡，俾便赤化全川，卒因劉湘氏協同各軍，苦力支撐。而各軍將士，又能不避暑暑，拚死仰攻，數月之內，先後克復綏宣通南。匪之詭謀，迄未得逞。月前蕭克賀龍兩股，復在黔省烏江地域會合，確有竄川趨勢。亦經劉湘部陳萬仞師驅逐出境，日來道路頻傳，贛匪殘部，仍思悉力經湘轉黔竄川，此係中華民族整個存亡問題，脫不幸成爲事實，則燎原之禍，何堪設想，區區一省之財力兵力，自難負此重責，劉湘氏深明利害所在，不辭跋涉，兼程東下，晉謁主持全盤剿匪軍事之蔣委員長，冀得圓滿解決，實一具有使命的重大事件，時人謂中國前途之安危，中華民族將

來之興亡，胥視劉氏此行爲轉移，洵非過言也。

吾人長顧都虛，以爲中央欲奠定川局，必須以川省善後全權交付劉湘，同時劉湘氏欲戡定川亂，掃平赤熾，亦必須在中央切實指導與援助之下，然後方可克奏膚功，試申論之

劉湘氏直轄部隊逾二十萬，平日均受相當訓練，兼以飛機砲艦齊全，居恆並迭向中央及地方表示，謂軍隊係國家所有，絕不願作私人武器，故在今日而論川省實力，自當首推劉氏，在今日就川省而選擇一具有收拾川局之資格及胸襟者，亦唯有劉氏。劉氏出身行伍，躋升統帥，堅苦卓絕，不事生產，在川省將領中，素孚衆望，且自加入革命戰綫以後，擁護中央矢勤矢慎，中間無論他方如何誘煽，終不爲之絲毫

動搖，當十九年中原有事之日，舉國已陷顛狂之境，而劉湘氏坐鎮重慶，一而以勁旅協助何成濬清剿鄂西之匪，一面以重兵阻止劉文輝部窺伺武漢，此等豐功偉烈，實足以照耀千秋，求之近世，不可多得，吾黨以三民主義治天下，劉湘雖出身行伍，其崇奉主義之精誠，始終不渝，實爲他人所不及，中央此時允宜追念前勳，信賴彌堅，庶川省事權統一，劉氏得以放手做去，不致如從前之左牽右挂，動遭掣肘，此其一。

川局演至現在，已較從前倍蓰，而國人從前之忽視川局者，近亦改變態度，冷靜注視其開展，故川局之前途若何，直接固影響全川，間接實影響全國，深盼劉氏此次晉見中央

各當局，得到切實指導與實際援助之後，一本蔣委員長穩打穩紮硬幹快幹之方略負責做去，同時並努力實行新生活運動，以爲全省倡，於是行之期年，則附匪民衆，自必欣然來歸，其他狡黠之匪，無論其如何強梁，終亦不能立足，所謂三分軍事七分政治，其功效之迅速，自有不期然而然者，此其二。

以上種種，僅述個人對於安定川局應由之道，語曰菟藟之言，聖人擇言，亟願我賢明之中央當局及劉氏，三復思之，此外關於劉氏持躬應世諸特長，皆所以助其成功者，軼事申言之綦詳，茲不贅。

中華民國二十三年十一月華朔平謹序



## 序

管翼賢

陳君秋舫，以劉甫澄將軍在軍爲名將，在政爲賢官，在本黨爲忠實同志，爰筆其生平與治績，載在實報，以公諸世，昨商之於予，欲付梨棗，予知其足爲天下法也，因窮一日夜之力，爲之校正，繼思川局年來混沌，無可諱言，脫非劉氏以偉大之人格，支撐其間，川省前途，真不堪問矣，因誌個人對劉氏感想數則如次，用以代序。

劉甫澄將軍，以川蜀子弟，步伍戎行，及其總帥干，樹旌旄，響應變革，戡定紛擾，拒以鄰爲壑之雄，勦據勢爲惡之匪，川中過去諸役，其餘暴安良弔民伐罪之行，益以白於

世，無歲無戰之川局，終以弭止者，實賴劉氏挾武力周旋其間，使七千萬之川民，得續其若絲之命脈，仁者之心，智者之慮，殆其所謂孤詣者焉。

戡亂之後，繼之以治理，此劉氏之素志，川多兵，由己部首倡裁編，川多稅，由個人逐次剪除，其餘庶政，舉凡警察，交通，航業，團防等要圖，均有極顯著之成績，而尤其致力於生產教育，爲治川之根本大計，與中央生產救國之方略殊爲契合，近年來且召開生產會議，積極生產建設，常言惟救貧始以救川，誠爲眞知灼見，至增造兵艦鞏固江防，設造幣廠調節金融，應興應革諸端，莫不硬幹實幹，人治之功——有稱之爲「萬家生佛」者矣！

劉氏自國共分家，即清共不遺餘力，迄徐匪竄川，竟賤兵戎於內，以撲滅此獠，受中央勦匪之重任，統川中諸將，血戰經年，雖以種種牽制，不得速奏凱功，然抗持毒餒，使其莫能深入，以至引起中央嚴重之注意，而以大策臨之者，劉氏之功也。

但劉氏尚以如此久持，感覺責任有在，毅然請退，以讓賢能，及各方依畀之深也，又不辭艱鉅，重負仔肩，此次復東下謁蔣委員長，請示勦匪方策，他日旌節西返，一舉功成，起川民於衽席，殆非此公莫屬也矣。



## 劉湘

陳秋舫

劉湘，字甫澄，四川大邑縣人，現年四十五歲，前清光緒三十三年，以學生應徵，選送陸軍弁目隊，旋考入四川陸軍速成學堂，宣統元年畢業，委充陸軍第六十六標見習，旋任排長，奉調講武堂肄業，既畢，仍回原任，民國元年，任四川都督府親衛隊官，旋任四川陸軍第一師第二團營長，二年，任前衛司令，旋任第三團團長，四年，改爲第一團團長，復改爲國軍十五師團長，五年，升任川軍第一師第一旅旅長，兼川東宣撫使，六年，升任川軍第一師師長，旋改爲靖國軍第二師師長，九年，任前敵總司令，升任第二軍軍長，十年任四川總司令兼省長，十一年解職，十二年八月，復出任四

川善後督辦，十三年，任川滇邊務督辦，十四年，任川康邊務督辦，仍兼四川善後督辦，十五年，任國民革命軍二十一軍軍長，先後兼第五六七等路總指揮，十九年，兼任長江上游勦匪總指揮，二十年，兼任四川善後督辦，旋兼總預備軍司令長官，二十二年，兼任四川勦匪總司令。

其自微秩起家，洊至將帥，垂二十餘年，而事功亦歷久始著，清政不綱，極于末葉，劉氏觀察世界大勢，乃加入國民黨，從事革命，反正後翊導尤力，護國護法諸役，義幟同樹，戰輒前驅，遂以戡定川亂，先是川局混莽，南轅北轍，矛盾各殊，滇黔乘時聯軍入川，假虞伐虢，略地既多，主客相爭，形成水火。

劉氏奉命攻瀘，僅率一旅，次立石棧，客軍張甚，且三倍其數，持戰七晝夜，卒克瀘城，旋調援渝，扼敵于三百梯，敵分兵東侵，又調守永川內江，至內屬四塊田，與敵鏖鋒，決旬，敵復大敗，是役轉戰千餘里，以寡勝衆，滇黔軍無不人人懾服，迨熊克武督川，再興逐客之師，任劉氏前敵總司令，未一月即收復成渝，客軍引去，以鄰爲壑之思，乃自此戢矣。

川軍各相雄長，寢成防區制，割據兼并，無歲無戰，劉氏依違其間，一準于義，雖親厚不稍假借，凡屬內鬪，從未參與，惟推心置腹以調解之，不協，則臨以武裝，迫其罷兵，或乘間釋其兵權，嫉之者造爲兩利坐大之說，以相詭謗，然討

逆北伐，大義所在，則又敵愾同仇，出師恐後，所謂能識其大者非歟。

國家大患，在共產黨徒之暴亂，與帝國主義之侵陵，當清黨議行，禍水橫流江漢，渝中亦搆三三一慘案，由是赤燄潛伏，滋蔓寔深，劉氏乃組特務委員會，並設分會于各縣，專事清共，時共黨成立中心縣委於重慶梁山，將以下東爲根據地，假共產之名，行強盜之實，卒經偵緝破獲重要機關，及首犯多名，嗣因獲犯日衆，復設反省院，羈囚纍纍，至以數百計，其誠意反共者，分期宥釋，感化頗多，且爲有力之宣傳，杜其煽惑，又以政治不良，爲製造匪共之本源，整頓成區，行財兩政及司法，務使吏治澄清，民安其業，十九年，奉命



勦匪，選派所部，馳赴宜沙，肅清鄂西二十餘縣，長江上游，賴以安定，中央益倚畀之，及徐匪由陝竄川，復命總制川軍，分路進剿，喋血經年，風鶴頻驚，而後方從無反動擾亂者，有以防之於先也。

九一八事變以還，抗日軍興，劉氏任預備軍司令長官，間嘗獨居深念，國難嚴重至此，非明耻教戰，建築武力於民衆，不足以拯危亡，顧吾川民團，保衛地方，猶且無力，何有于國，皆團而不練貽之咎也，利弊既已灼知，乃呈准中央，設置川康團務委員會，統籌分治，其要旨端在揀練模範暨精選隊丁，以次遞及，使丁壯皆兵，行有年矣，迄今剿赤，又特任軍部參謀長郭文欽，兼成區民團總指揮，關於督練協防抽

調等項，積極促進，期爲有用，郭氏民黨先進，文武並資，日討國人而訓練之，近可禦匪衛鄉，遠可增兵捍國，宏濟時艱，豈異人任哉。

兩任善後督辦，以川省兵多餉絀，徵歛頻繁，亟應裁兵減稅，藉蘇民困，而各軍角立，編遣又難實行，乃始則揭發民治，召開善後會議於省垣，設全川財政監察委員會，預算軍費，量入爲出，以示限制，繼則安川之役，標幟弭兵，解散二十四軍部隊，可十萬衆，并於本軍每連減少數名，計亦萬餘，及剿匪戰烈，各部傷亡頗鉅，又概不補充，無形裁汰，出自苦心孤詣，亦難能耳。

教育建設，爲強民富國之工具，劉氏對於教育，注重農業化


，小工業化，創辦重慶大學，於文理兩院外，增設農學院，及鄉村師範學院，又增設省立陶業專科學校，省立女子職業學校，舉行中學以上畢業考試，綦嚴，不及格者多，學風以振，試竣，臨訓，謂諸生學非所用，將來考試，當別有實驗場合，因開辦中心農業工業兩試驗場，其在省長任內，劃肉稅爲教育專款，逾行至今，且歲撥鹽款數十萬，爲成大常費，國立省立各校，資以不墜，他如市政警政航空兵艦等項，莫不次第建興，以應時勢需要，

今春在省召開生產會議，提倡生產建設，不遺餘力，如改良土貨，則有大規模糖廠之籌設，開發富藏，則有石油礦地之探採，便利交通，則有公路分段之整理，調劑金融，則有造

幣設廠之復興，以及地方農工兩銀行之組辦，其餘在計劃中，而未實現者，難以枚舉，欲治川，先拯貧、善後之策，于斯爲最。

劉氏沉毅明鍊，遇事強記，即久，亦能舉其人與地，日必到部治公，羽檄蠶午，簿書填委，以次判決，惟審，猶與客慷慨談時務，自朝至晷，頷頷然無瘁容，有諍之者曰，公於「開誠布公，集思廣益，循名責實，信賞必罰」十六字，已足了辦，何復事參謀秘書之事爲，雖笑應之，而勤劬如故，用人循資，歷年既多，乃見倚任，官吏文武，率由是途，絕躁進，而特達之知無聞焉，馭將以寬，恩信相結，胥樂爲用，有「李北平」之風，然臧否黜陟，亦往往因是而疏，廉儉寡欲

，居恒，無他嗜好，休沐時偶一閑寫而已，不治生產，宮室車馬衣服飲食之奉，皆簡約如中人，初無容心于豐嗇，而安之若其素，舉聲色貨利勢位敵屣置之，惟汲汲于修名之不立，然則視侯能竊國，尉只摸金，爲何如耶。



# 實報九大優點

增進知識……開發思想……生活美化

可作新聞讀

可作歷史看

不看實報

就會變成落伍的人生

我們介紹實報九大優點的目的，我們是希望讀者諸君，注意時代在前進，人的思想與知識，也要前進，實報就是貢獻人所發之思想，唯此一刊物，願諸君時常加以愛護，永遠作實報的一個基本閱戶，使牠與先生得到接觸的機會，這是實報同人所採取的，美求嶺新精華！茲將其特要，編製短悍無比，標題動人，各方消息應有盡有，舉簡無缺，而尤注重於本報採訊，亦本報之一欄，其味長，與新聞界之新聞一欄，均獨為本報所特有，至社會新聞，不偏於塗穢，瑣屑之公，直無黨無派，以純客觀之態度，以民衆為立場。

二、不偏不倚，見地無派，以純客觀之態度，以民衆為立場。

三、趣味，小實報，除由名小說家著撰最切實最有味，而最合指導人生注重理性之小說外，特闢一欄，將歷代關於發揚民族精神之名人事蹟或關於立功建勛之人物事略，簡要的以普通文語述說，附以精美之繪圖，此為本報所特

四、有。發揚民族精神之名人事蹟或關於立功建勛之人物事略，簡要的以普通文語述說，附以精美之繪圖，此為本報所特

五、有。發揚民族精神之名人事蹟或關於立功建勛之人物事略，簡要的以普通文語述說，附以精美之繪圖，此為本報所特

六、有。發揚民族精神之名人事蹟或關於立功建勛之人物事略，簡要的以普通文語述說，附以精美之繪圖，此為本報所特

七、有。發揚民族精神之名人事蹟或關於立功建勛之人物事略，簡要的以普通文語述說，附以精美之繪圖，此為本報所特

八、有。發揚民族精神之名人事蹟或關於立功建勛之人物事略，簡要的以普通文語述說，附以精美之繪圖，此為本報所特

九、有。發揚民族精神之名人事蹟或關於立功建勛之人物事略，簡要的以普通文語述說，附以精美之繪圖，此為本報所特

中華民國二十三年十一月二十日初版

# 劉湘專集

定價

每冊實價大洋一角  
外埠不加寄費郵票通用

撰述 陳秋航


發行 馬家聲

出版 北平宣外大街五十六號  
實報出版部

印刷 實報印刷所

分發行處

各省市實報分銷處  
及各大書局



版權所有 翻印必究